

Daping qaqay tama rudan

Tama rudan smkuxul bi musa lmiq ni murux mniq beygi qnpahan.

Pxal tama, bubu ni Basaw madas siyang musa qmita tama rudan, yasa smkuxul bi muduh siyang babuy ka tama rudan.

Dhuq beygi qnpahan do rmawah rhngun beygi, kla mntahu puniq ka tama rudan, kla mnhapuy idaw rumu ka tama rudan, gisu tblaiq bi mtaqi hrakaw ka tama rudan. Siida ida “ dha paru qapan qaqay ” tama rudan ka tgkingal smriyu brah dha, kiya ni tbiyax musa siyaw tqian tama rudan ni tmutuy tama rudan ka Basaw, “ Tama rudan! Tama rudan! Nii nami miyah qmita sunan, ” duri ni smiling hyaan “ ma kndux ni paru bi qtaan ka qapan qaqay su hug? ”

Mtutuy ni mqaras bi qmita dhiya ka tama rudan, dmuuy бага Basaw ni dsun na tluung siyaw puniq. Supu muduh siyang ni dmatun dha idaw rumu, kiya ni smiyuk kari Basaw “ yasa ini ku kramil paah laqi ciway, kiya ni saw nii kndux ni paru qtaan ka qapan qaqay mu da! ” Smiling duri ka Basaw “ laqi su siida, ma su ini barig ramil hug? ” “ Ungac brigan ramil ka seuxal, kiya ka ini kramil kana ka tnhiyan mu laqi. Sayang ririh saw ramil ka qapan mu qaqay da, nasi ku mramil do ini ku kla mksa da, ana ququ saw nii ka qapan qaqay mu da! ” msa smiyuk ka tama rudan.

Rngagun su ha! “ Saw ku isu laqi ciway sbiyaw ga ini ku kiisug ana manu wah! Ana inu ida niqan daping qaqay mu kana, saw bi ppngrah karac, saw bi wwasaw babaw pusu qhuni kneegu na. Mska smbu ka hidaw jiyan do, musa ku mkaraw pusu qhuni, saw ku bi rungay swiwil sida qhuni, ida egu bi daping qaqay mu ka babaw rhiq pusu qhuni hiya. Keeman do nasi rmdax ka idas do, musa ku sneegul tama mu musa lmiq, kmbiyax ku mhraw pada, miric ni bowyak dnii... ssamac, kiya ni lmiq ga ida niqan daping qaqay mu kana uri. Kleelug saan tmukuy masu qnpahan ga, ida daping qaqay mu kana wah!

Qmbahang nami snruan tama rudan do mkla nami da. Sbiyaw balay han o ungac ka ramil ssaping qaqay, ana saw mksa, ana saw sbowtaw, ana saw tmalang babaw dxgal, babaw spriq ni babaw btunux o ida ini saw manu ka qapan qaqay. Rdrudan alang dgiyaq daya seuxal ga ini kramil ka qaqay dha. Karac baraw o saw bi dnamux sapah, dhqan mksa ngangc o ida niqan daping dha kana. Saw nii slukah ni mqaras bi kndusan dha mniq alang dgiyaq daya ni bbuyu ka rdrudan sbiyaw.

爺爺的腳印

爺爺很喜歡去野外打獵、獨自住在山上的工寮。一次，爸媽帶 Basaw 工寮看爺爺。抵達時，他正在床上睡覺。第一個映入眼簾的是爺爺的「兩個大腳掌」。Basaw 跑到爺爺床邊叫醒他，「爺爺！我們來看你！」又問他「您的腳掌為什麼又大又厚呢？」

爺爺起身，帶著 Basaw 坐在火爐旁說：「爺爺從小就沒有穿鞋子，所以我的腳掌才會又大又厚！」Basaw 問：「您怎麼不買鞋子呢？」爺爺說「以前沒有賣鞋子，我的同伴都沒有穿。我的腳掌取代鞋子，我穿鞋子反而不會走路啦！」

「我像你一樣大時什麼都不怕，處處都有我的腳印。樹上、深山、通往小米田的路上都是我的腳印。」

我知道了以前沒有鞋子，無論走、跳、跑在泥土上、草地上和石頭上，腳掌都沒有關係。從前部落的老人家是不穿鞋子的，天空好比自己家的屋頂，屋外的任何地方一定有他們的腳印。祖先就是這樣輕鬆、愉快地生活在山上部落。